

長子縣志目錄

卷首

序

纂修姓氏

目錄

疆域圖

城池圖

鄉村圖

山川圖

卷一 表

地表

晷度表

歷代爵封表

職官表

卷二 表

選舉表

薦辟諸科 進士武進士 舉人武舉
貢 文武仕進 封贈蔭襲 鄉飲介

卷三 志

地理志

沿革 形勝 疆域 鄉都
山川 古蹟 冢墓 物產

卷四 志

建置志

城池 解字 驛遞 關隘
營汛 市集 津梁 防表

卷五 志

祠祀志

賦役志

戶口 田賦 稅課
鹽法 蠲緩

卷六 志

學校志

鄉飲酒禮新生入學儀
賓興儀書院義學並附

藝文志

經類 史類 子類
集類 官遊人所著書目

卷七 志

金石志

卷八 傳

史傳

漢鮑宣子永孫昱 王真 郝孟節 趙瞿
後魏堯暄孫雄 李業興 北齊李崇祖

元宋子貞
子渤宋衡

集傳

周辛甲 漢馮胄 陳延 北齊韓祐
順 唐苗夔 宋韓保正 金宋楫

王士綱

王恭 明栗恕 任毅 阮勤

仕 任昇 王之相

皇朝范履旋 馮爵 陳天德
馮士翹弟士甄 蘇元璐

卷九

傳

列傳

元和孝巾 楊興德 明索冲 楊斌 暴
贊 王廷芳 侯璽 薛大川 張美 高

崙

張奇 裴守一 楊世卿 馮錫 馬宜

春

鮑希顏 王瑞 馮元亨 楊采 賈以

教

曹時甯 馮詔 范士偉 趙俊傑 賈

夢鯨

宣化 王卿 王丕式 霍維德 裴

可

李文志 邢民教 李芝蘭

皇朝馮景星

馮文星 馮瑾 賈見陞 賈董

侶

賈璠升 馮台星 范韓 王百祥 馬

遠

崔兆祥 裴日章 崔良 范文 馬元

愷 李嘉美 李豫章 賈楠 賈倬 李伯

冀卿 高乘雲 趙奇 趙及 趙飛熊 劉

璜 劉珪 范琬 范玠 范琮 范瑄 趙

銓 李昌榮 康九如 馬顯祖 吳琦 裴

琛 劉庚 馮秉直 李恂 楊宏緒 溫厲

李鳳翥 柴昌 張鈞 祝奉琬 范履乾

趙雲 李獻馥 陳大受 康侯 范履泰

馮根孩 王天成 楊濟 高鵬飛 張兆鳳

崔夢熊 楊愔 楊雲 楊天培 徐瑾 王

鷹揚 趙蘭馨 劉熊占 馮藻 張敏 王

裕臣 范學孜 范學徵 范學敷 李新芳

馮士勸 康洵 趙逢時 陳寵錫 趙敬

柴汝為 任繼先 王大有 楊璫 鮑義

孔昭縉 楊凌雲 李天培 莊王堂 張義

氣 蘇赤松 崔生珠 楊燦 崔毓峯 范

述滂 秦奚 劉異勲 黃勵 趙伯修 李

玉芬 劉岳 賈如誼 廉可風 裴逢春

范克久 賈世輔 張克讓 馬全節 賈德

威 鹿化成 侯廷賢 楊晉 李拂雲 陳

虞季 楊大猷 郭珩 何裴炳 趙柱 鮑

溫 溫如璧 裴起鳳 和學厲 趙所 趙
起蛟 趙永烈 王釋繒 牛士鎮 曹威

王進發 馬悅 陳玉薪 蔡開周 崔華
陳懿興 和又清 賈士章 趙珩 趙瑄

盧映宸 溫正春 高科 趙斗南 高居仁
趙龍門 李鍾奇 楊會鑑 張膺眷 裴體

元 楊德福 苗文錦 陳殿元 郭逢春
郭緒先 郭藩 王應麟 趙醕 李馥 常

澄心 趙觀舜 馬龍友 李雲峯 冀修仁
胡景虞 溫小三 秦木林 李沂

卷十 傳

列女傳

卷十一 記

宦績記

僑寓記

風土記

卷十二 記

大事記

雜記

長子縣志卷六

志五

學校志

鄉飲酒禮新生入學儀賓興儀書院義學並增

文廟初在公廨西偏尉居之南僅一廈宋建中靖國間乃卜城東南隅易民地而遷之規模始擴金天會九年

改建城池廟仍舊地正隆間縣令劉廣威王奉直皆有

增修承安三年主簿焦日隆大修繪先師七十二子像

創建戟門闢東西齋房大起講堂及旁兩厦史倬爲之

記

詳金石

元中統間縣尹馬德重修至元六年劉謙續修

朱勑爲之記

詳金石

至正十年呂克明又修上黨王璜爲

之記

詳金石

十六年晁景暄復修講堂明洪武二年縣丞

閻弼又拓舊規增大之後王簿郝景隆補葺十六年知

縣寇奉祖復修景泰二年姚禧增修號舍創射圃構觀

德亭成化十四年易鶚重修增東西廡各六楹始鑿泮

池造祭器構重樓宿號以居諸生學門外建有興賢崇

教二樓

朱幼昂記云聖人之靈在天聖人之道在天下在天者不可以形迹窺在天下者君臣父子夫

婦朋友秩然聿然禮樂教化刑政制度郁乎昭乎皆聖

人之文章也居域中被教化以學校聖賢棲神之所爲

末務而曾不時飾豈崇本務急之理哉自漢唐世國都

辟雍以及天下府州縣學必建大成殿左右廊廡省聖

賢像歲春秋上丁有司禋祀之宋元迨我國朝增有鄉

社書院之祀在處皆然信乎聖人道澤遍天下享報祀

於千秋天下非堯舜禹湯功德於一時之可擬也於戲

盛哉長子縣爲潞屬邑之鉅者當南北輪蹄之衝生

之多訟獄迎送之擾非剗治繁劇之才未易云治
也成化甲子歲邑宰員缺銓曹難其人遴千百得固
易鶚氏請於廷俾來宰是邑鶚世家纓組右族由進士
第擢今官蒞政之始興舉廢墜撫字勸懲度越昔人遠
矣首以學校聖賢之像所在祀教化賢才所由出務莫
此急躬任督修焉正殿之疏漏者撤補之聖賢塑像卑
小者聳大之冠冕加飾門屏增輝復建櫺星戟門各三
楹先賢兩廡東西各七楹今增爲十二楹先賢像舊繪
於壁丹青歲易漫漶今更塑其像戟門前鑿地爲泮池
池迤東開一門通學以便出入迤西構室八楹爲神庫
宰牲所舊祭器皆用盥盤孟琰苟應從事今循古制造
爲籩豆鐔罍簠簋之屬明倫堂重加修飾東西兩齋師
生肄業講習所緣地狹號少難以容衆乃作重樓各五
間卷廳各一間以廣其居西齋南增構宿號五間學門
二所各三間門外起興賢崇教二牌樓無不煥然一新
昔文昌祠在學內適路之衝今則移構學東南向落之
日訓導李榮率諸生詣府請爲文以紀之噫嘻學校之
修否不能爲聖人之重輕而實邑宰賢能否之徵鑑也
鶚之爲可謂知務急其本榮之請可謂不投政之善鶚
榮胥得之矣聖人道德侔天地固無能名言其所紀者

鶚之政及修營之歲月使將來者事有夷考亦庶獲激勸云

宏治三年王澤大修學

宮並增置祭器及號房三十餘間以射圃隘易民地三

畝益之

阮勤記云潞州禹貢冀州之域星分參井長子其屬邑也民多儉樸而力農士尚氣節而務學

是以人材出自學校者彬彬濟濟後先相望廟學舊在縣公廨外門之西僅一室耳自宋建中靖國元年始卜東南隅而遷焉即今東門內向離是也亦畧取具而已後作縣者雖有增葺然皆苟合苟完况道宇失制經久傾頽無足以稱興賢育材隆教化厚風俗之意歲丁未暖陽王君濟民來知縣事首謁廟學而見之喟然嘆曰學校實余首務烏可後乎遂鳩工庀材躬臨程督所役者在官之人所用者措置之物學門原座廟左今改建儒林門三間於右義路進三十步再建禮門三間向西宰牲所三間於戟門左石橋一座於泮水上聖像稍前退丈許以稱配位賢像無龕造三十座以蔽風塵簠豆簠簋類不備共造三百有奇齋樓高於堂改爲廊房各五間增置廩增號二十間於兩廡後附學號十間於兩廡後饌堂三間厨二間移於正東倉三間遷於東山

圃其地易民地三畝建觀德亭東西各三間學校皆深
坑悉以土填平而栽樹百餘株門路有匾號舍有額皆
鼎創也其大成殿五間東西廡各十二間櫺星門戟門
神庫祭器庫文昌祠各三間與舊號房泮水池舉修餽
之創者非溺於風水各適其宜也修者非侈於造作各
因其敝也茲飛輦輪煥黌宮爲之一新經始也弘治戊
申秋而訖於己酉夏材雖多而不費役雖繁而不勞既
完且美可無詞以紀歲月乎余奉命歸省司訓覃譽率
諸生具顛末請余記余謂三代之治以風教爲本家有
塾黨有庠術有序國有學所以明人倫伸孝弟尊賢養
老化民成俗不可一日而廢也漢唐而下學校興廢由
守令賢否迨我祖宗以來尤以學校爲重恐風教未易
遍及又分命憲臣以提督之故人倫明而風俗美誠可
以此隆三代而超漢唐宋也君仰承德意興學如此豈
無自歟君考抑之先生由名進士始知新城崇明縣進
知彰德府所至急急於興賢育材歷陞都察院右副都
御史巡撫延綏猶以興學爲念余昔巡撫關中抑之雖
去偉績尙存心恒敬之君沐過庭之訓下車卽以學校
爲先務今蒞任三稔廉慎剛方政成化行觀其期望誓
於城隍以致警戒詞嚴義正師生父老刻石廟亭以勵

將來則君存操行必大且遠矣苟始終不渝他日不特
馴致乃父之位如宋之范忠宣幾有父風而位過其父
未可量也因併記焉君名澤濟民其字戊子京兆鄉進
士若贊襄其事則縣丞南隆何宗主簿東陽李明典史
玉川趙璋也

正德間史紀訂正鄉賢祠名位馬負圖復行補
修隆慶六年劉復禮增鑄鐵鼎燭臺萬曆四年許鋌大

修於廟東南隅建聚魁樓以祀文昌

劉永寧記云長子縣學自嘉靖以來

不修者五十餘年圯廢不支久矣有司者每朔望拜謁
覽觀徘徊恒以敝廢爲不快而卒未有所處也今皇上
之登極也首重學特降勅諭以植選官生爲急務顧在
有司復不究心焉甚非所以示尊崇而廣風教也教化
之敝君子不無遺恨焉武清許公以名進士來宰是邑
視事之初卽以道有經權政有緩急久疲之後更化宜
有漸焉乃簡科條布政惠申節諭循循然如植病禾如
理勞絲一時民心翕然稱順恬然向化矣復以民安莫
先於教也於是卽議修學宮經址掄材鳩匠任力綜理
甚密乃先修先師殿敬一亭啟聖祠卽及於兩廡已乃

及於堂齋號庫門坊屏塹之處咸爲更新戟門之外爲
名宦鄉賢二祠其鄉賢稍西偏亦爲移正與名宦祠對
立焉此皆仍其舊址撤其朽腐而重建者也乃正殿之
兩翼東爲祭器庫西爲神厨局戟門之左爲更衣所右
爲齋宿所鄉賢祠之後爲宰牲所此皆舊所蕪沒而創
建者也學至是棟宇皆飭俎豆有嚴數十年幽鬱一旦
澄廓視昔加壯麗焉又以書有澗東瀍西之卜禮有辨
方正位之言古人之所以祭於地理而辨於土宜者蓋
堪輿之所重也肆於文廟之東南隅創建聚奎樓以祀
文昌然而得風氣蓄洩之宜啟文運亨昌之兆實在於
此其指意蓋深遠矣夫自昔歌循良者率用學校爲辭
故文翁興學蜀化乃行范甯崇儒晉榮彌光此皆照耀
史冊流譽後世以此揆之公之功當宜稱之不衰也邑
之文獻不自是可興乎余嘗覽縣志見前代文獻頗有
可述其著者如鮑宣堯暄李榮興宋子貞宋衍輩其勲
業文章萬世流傳矣國朝以來乃漸不古若豈古今風
氣不相及耶抑振作之無人耶故不能不慨於斯焉公
之此舉則有以發山川之靈祕宣人文之炳煥矣故余
謂文獻之可興也即觀今之觀斯工者咸傳頌於道路
其慕義嚮風之誠可見已而況於士乎士之遊於斯也

瞻彼宮牆既傾而成之聆彼絃誦既息而鳴之豪傑之士必有聞風而興者願公申明彝訓折衷近習俾諸弟子員咸知所遵循造就庶幾哉棖桷瑚璉之用以答我國家育材之盛心以副我公責望之至意豈不克弘敬敷之功有裨文明之治哉若公之晉歷台諫位公卿則又望以此揚之王廷布之海宇俾天下學者咸知所以廸正學效實用焉則公之事業鏗錫炳朗震耀耳目以宣著竹帛者其爲寵光大矣又豈特修復一邑之學已哉是役也始於萬曆三年二月初十日終於萬曆四年十月十九日計其費乃公及二尹龐君各捐俸金兼之義輸而不費乎官帑計其工乃取之顧役而不妨乎民力茲不可爲興事者之永範哉公諱鉞字定之號靜峯孫繼皋榜進士清修英邁有道之士若夫志同作人謀協義舉者則縣丞龐君雲鵬主簿郝君武典史劉君溱以記請者則教諭竇君一柏訓導周君汝岐趙君雲衢生員閻世卿王守禮馬光宇衛九韶等承委督工則耆老孔天恩賈道義官馮承緒也法皆得附書

後霍鵬何出圖又修武之大復

建坊二座

鮑希顏記云邑令建學以來至武清許公鉞而稱完整扶溝何公出圖又徙泮池於櫺星

門外恢壯矣癸巳東平武公之大下車謁廟歎曰余孔
子之鄉人也將絃歌於斯邑顧宮牆有關狀不圖何以
稱師帥上必信其民乃可於是曲畫便宜勞來爲先賈
其餘以舉百廢事立辦而民不告痛信其易使矣廼益
勸學興禮崇化勵賢以風四境本其經述口授矩矱妙
簡其選士咸靡然嚮風三年弦歌爲盛庶幾比於小鄒
魯云會關中劉君復初以名部臣來守上堂行部視學
意其前重後輕比年貢士不登額坐此遂畚壤測臬經
體面勢出堯庫之美而倚辦於武公武公則益以曠金
鳩工庀材革故益新甫三閱月告竣值仲秋釋菜冠帶
搢紳圍而觀之先師廟廡啟聖諸祠齋居神庫丹雘黼
黻肅肅如也秩秩如也如入孔室而聞金石絃竹之音
如見聖人而挹申申天天之象馳道方軌鹿角周藩望
其門軒如也廊如也厯應門登露臺廉遠堂高鐘鼓在
列升其堂翼如也隆如也森如也灑如也樹屏樹坊掩
映蔽虧疏戶以居博士爲燕廔爲燕寢豁如也眈如也
突如也最後移御製樓於良移文昌閣於乾壁立數仞
於中閣高尋丈墊以磚石重屋其上奕奕如也泱泱如
也言言如也故廢圃坎焉者塞而夷之草木叢生凡繚
以周垣飾以丹碧綜理甚具煥赫富美蓋王簿郭瀾陳